

Advent, Advent, Adventure

So en körte Adventstied dit Jahr! Up Platt seggen daar ok wall welken Verwachtenstied an Adventstied, as ik dat höört hebb. De 1. Advent was dit Jahr up de 3. Dezember. De 4. Advent fällt daarna up de 24. Dezember. Wi hebben de körteste Verwachtenstied dit Jahr, de överhoopt mögelk is.

Hebben ji dat dit Jahr ok so drock in uns Adventstied? Wiehnachtsfieren hier un daar? Bi de Arbeit, in jo Vereen of annerswaar? Fahrten na de Wiehnachtsmarkten, Krübbenspölen, denn noch even gau Kookjes backen? Geschenken för all besörge? Mit de Kinner of Enkelkinner noch wat Moois beleven? Villicht ok noch dat een of anner Theaterstück ankieken?

As ik hier nu sitt un disse Riegen schriev, weet ik, dat ik vanavend Wiehnachtsfier van d' Arbeit hebb. Up disse Wiehnachtsfier frei ik mi heel düchtig. Wi gahn all mitnanner vanavend wat Feins eten, sitten binanner, vertellen uns wat. Daar hebb ik Vermaak an!

Ja, un den wichteln wi. Elk un een bringt en Book mi, dat mooi inpackt is. Dat kann en oll of en neei Book wesen. Nettgliek. Blot kien Strunt, umdat da ja kien Schrottwichteln is. För de



Antje Lübben gehört zum Team der Autoren, die diese Kolumne schreiben.

KOLUMNE

Moin, Moin
Schrievers allerbest
Pläseer Smüstern
moje hoop
Spraak Vertellsel

Platt maakt

Wiehnachtsfier kunnen wi uns anmelden. Dat was ok up Stee west, wenn een seggt harr, dat he of se kien Lüst of kien Tied hett. Freeiwillig is fein. Ik finn dat belangriek, dat een ok maal nee seggen dürt. Nee to all de Drockde un dat Drieven. Elk un een van uns hett verscheden vööl um de Ohren. De een hett

dree Kinner, de villicht all en Sünnerklaas- of Wiehnachtsfier in Kinnergaarn of School hebben. De Mann of Frau hett seker ok noch en Wiehnachtsfier in Dezembermaant.

Daar kummt för all wat binanner an Terminen. Villicht mutt een sük ok noch um sien Ollen of Swegerollen kümmern. Of de lüttje Kinner sünd krank. Dat kann geböhren up Winterdag. Denn word dat en Spagat mit all de Ofspraken in Dezembermaant.

Nu koom ik weer to de Anfang van disse Kolumne hier. Kört, ja! Kött, nee! De Adventstied is ja kien Adventure-Spööl. De Adventstied mutt kien groot Aventüür mit vööl Spektakel wesen, man villicht en sinnige Verwachtenstied. Mit Keersen, mit Tee, mit Krinthstut. De Kinner lees ik in Dezembermaant geern wat vör – van Spekulus, de Wiehnachtsdrake, of anner mooi Vertellsels. Wi hebben daar Freid an, elke Dag en lüttje Döör van uns Adventsklenner open to maken.

Ik wünsk jo en wunnermooi Wiehnachtsfest! Ik wünsk jo dat Leckerste un Beste för tokomend Jahr un de Mood, tokomend Jahr to Drockde un Drafft ok maal nee to seggen.